

Guangjisi Minzcu Bau

ganhhau: CN45-0036 B.2019 Nd.1 Ng.2 liggaeuq fouhswt nienz ndwenit ngeihcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3356期

Gofoux Heiquengh Daihneix 《Denzlinz Miz Heiq》 Youq Denzyangz Yienj

Bi 2018 ndwen 12 ngoenz 25, gofoux Heiquengh daihneix 《Daiz Heiq Ndei Ndeu Ciengq Mbanj-cuengh》 youq Aen Cungsim Baeuq-roxdoh Denzyangz yienjok, hainduj le Baksak Si gaiq daihhaj vwnzyi comz-yienj Denzlinz ciengcenz 《Denzlinz Miz Heiq》. 《Denzlinz Miz Heiq》 faen baenz haidaeuz 《Hwnj Daizheiq》, bien gwnz 《Miz Angq • Heiq Moq Dap Daiz》, bien gyang 《Miz Cingz • Ciengq Heiq Doiq Daiz》, bien laj 《Miz Fuk • Heiq Ndei Lienz Daiz》 caeuq satbyai 《Denzlinz Miz Heiq》 5 aen bouhfaenh.

Dangguh dieggoek vwnzva Heiq-cuengh baihaek, Denzlinz ndaej haenh baenz aenmbanj Heiquengh Cungguk. Denzlinz ciengcenz vanjvei yungh “Denzlinz miz heiq” guh aen cawjdaeuz daengx daiz heiq yienjok, doed ok biujyienh gij sawjmingh youq-gaenj Denzlinz rapdawz Heiquengh hwnghat haenx, doengzseiz hamz miz gij dieg miz vwnz Denzlinz, couh miz daizheiq biujyienh Heiquengh. Vanj-vei cujyau lwnghangj gij gojgaeq ndei Denzlinz youq mwh vut gungz gung-geng baenzlawz guh ndei vut gungz

baenz miz, yienjok yungh heiq gangj vwnz, yungh heiq lwnh saeh lienzdoeng cawjdaeuz, yungzhaeuq gij vwnzva minzsuz daegsaek, fungsug Denzlinz daengj yenzsu, yungh gij biujyienh fuengsik cienzdoengj caeuq daihneix dox giethab, yienjok le gij ginglig haengguh caeuq funghcaij yinxdaeuz lwgminz Denzlinz gvaq ndwenngoeng caeuq daizheiq loqsiengj, fanjyingj ok gij bienqvaq hungloet ngoenz ndei gvaq ngoenz seizdaih moq Denzlinz youq gwnz diuzroen vut gungz baenz miz. (Dwng Veijsi)

SIUSIK DINJ

● Denhdwngj Yen doeng-gvaq cwngeuz bangfuz, ok ngaenz hwnjguh suiqli dwk raemxnaz sezsih daengj banhfap, yinxhaeuq hanghmoeg suen mbaetsou mak seiqgeiq Daizvanh. Suen mbaetsou cujyau ndaem miz mak ndei Daizvanh, mienhcik dajndaem daengz 436 moux, leih daengz 100 ranz ranzgungzhoj laeb dangj laeb gaj haenx. Doengz-seiz, suenmak goq ranzgungzhoj daeuq guh hong, gajgeez ranzgungzhoj couhnieb vwndiz.

(Yangz Cwng' yoz Cau Suzliengz)

● Bi 2018 haeuj cou doxdaeuq, Bahmaj Yauzcuz Swciyen gaenxmaenx guh ndei dazyinx son' gyaug dinfwngz, cauhlaeb guhyienh daengj fugsah, cujiz doihguh hong gvendaengz nungzyez bouhmonz bae dieg guhhong gak yanghcin, cujiz caeuq dazyinx gyoengq bouxguhnaz haenq-rengz hwnghat seizcou seizdoeng dajndaem, gyalai yamq-din diuzcingj nungzyez canjnieb gezgou, haigvangq diuzroen bouxguhnaz laisou. Daengz seizneix, daengx yienh guhsat seizcou seizdoeng dajndaem 11.97 fanh moux, ciemq 114% nienzdoh yinvu.

(Cangh Fangh)

● Geij bi neix daeuq, vih gyavaiq yamqdin vunzlai vut gungz baenz miz, Cingsih Si ciuq dieg bae guh, diuzcingj guh ndei canjnieb gezgou, cungfaen yungh ndei dieg-namh, sonyinx vunzlai hwnghat dajndaem gomak, caemhcaiq doenggvaq gwnz muengx aen bingzdaiz densangh siugai, doenghgij lwgmak baenz le aeu hwnj muengx bae gai, ndei gai raixcaix.

(Hoz Yenlingz)

● Geij bi neix daeuq, Lungzswng Gak Cuz Swciyen gaenxmaenx sonyinx bouxguhnaz dajndaem makleiz daengj daegsaek canjnieb, yungh gij hwnghat vungsik “nungzyez+densangh+lijyouz”, mboujdan hawj makleiz “byaij baihnanz roemx baihaek”, engq baenz dieg lijyouz bouxhek dajniemh lajmbanj, rengzrwd coicaenh bouxguhnaz dangdieg laisou baenz miz.

(Vangz Yungjdanh)

Sanhgyangh: Feihyiz Vwnzva Youq Ndawhag Ronghlwenq



Geij bi neix daeuq, Sanhgyangh Dungcu Swciyen Sanhgyangh Cunghyoz cauhmoq doicaenh minzcuz vwnzva haeuj ndawhag hozdung, doenggvaq “dangzgoq ciennieb + dangzgoq daegsaek” “sedonz hozdung + hozdung rog dangz” daengj vungsik, aeu golaux Dungcu, dohyeh Dungcu, vehbouxguhnaz Dungcu daengj feihyiz vwnzva yungzhaeuq dangzgoq gauhcungh, hawj hagseng youq yienjsoh ndwenngoeng lai yienh doengzseiz, coicaenh feihyiz vwnzva daihdaih doxcienz. Ndaw doz dwg hagseng Dungcu cingq ndaek bizbaz Dungcu. (Gung Bujangh)

Nanzdanh Guhbaenz 41 Aen Dieg Guhyienh Canjnieb Banggungz

Geij bi neix daeuq, Nanzdanh Yen gyavaiq yamqdin hwnghat canjnieb, doicaenh “5 + 2” daegsaek canjnieb caeuq hwnjguh dieg guhyienh canjnieb banggungz “cib daih bak fanh”. Seizneix, gung guhbaenz 41 aen dieg guhyienh yienh, yangh gak gaep canjnieb banggungz daengx yienh, ceng' aeu doenggvaq guhyienh daiqdoengh, mboujduenh haigvangq canjnieb hwnghat gveihmoz, daezswng gij rengzyingyangj canjnieb.

Youq ndaw suen mak guhyienh “sam daeg” Mbanjnagez Dangzhan Cunh Cehhoz Cin aen yienh neix,

ndaem miz makgam, makndae Yizbwnj daengj mak daegsaek daengz 200 moux, bineix engq dwg sou ndaej lai.

Daj haiguh vut gungz gunggeng doxdaeuq, aen yienh neix laeb miz oijdangz, nonsei, youq ndaw dah ndaw daemz ciengx bya daengj 41 aen dieg guhyienh canjnieb. Doengzseiz yungh “son' gyaug canjnieb vut gungz” guh aen bingzdaiz guhhong, haiguh hong son' gyaug dinfwngz banggungz canjnieb, banh aen ban son' gyaug 86 geiz, son' gyaug ranzgungzhoj 4637 boux, hawj vunzlai ndaej rox dinfwngz, gyavaiq yamqdin dieg guhyienh

hwnghat.

Linghvaih, aen yienh neix haiguh aen hozdung doxgaiq reihnaz ok mbanj, aen gunghcwnz doxgaiq reihnaz densangh ok mbanj, aen hozdung goeng' ik siugai banggungz simndei, aen hozdung cauhlaeb binbaiz nungzyez daegsaek, aen hozdung senhconz doiqciep gai doxgaiq reihnaz daengj, gajgeez le gij caetliengh ancienz doxgaiq reihnaz, hwnjguh dieg ndaem doxgaiq reihnaz, siugai gyagoeng doxgaiq reihnaz daengj baenzroix vwndiz.

(Moz Munggyangh)